

Փ. Արիա: — Ի կողմանս ինչ Պոնտոսի և Փ. Հայոց՝ որպէս յԱլիս, գոն և Հայհոսում անուանեալք յուճաճէք Հայսպէզուք:

33. ԿԻԹՈՒԹԻՒՆ. ՈՒՍՄՈՒՆԻՔ. — Ի բանասիրական հրահանգս և յուսմունս՝ յեանեալ դասնի ազգս մեր ՚ի սակա քաղաքական վիճակին, թէպէտ և յառաջագոյն և քաջառու բան զայլս յարեւելայ ազգաց: Բայց ՚ի բուն Հայաստան նուազ և աղօտ է լըյս ուսմանց, որ ոչ սակաւ բարդաւաճէ արդ յօտար կողմանս, ՚ի Կոստանդնուպօլիս, ՚ի Չմիւռնիս, յԱրմաշ, և այլն, յորս են վարժարանք. և ՚ի հեռադոյն ևս վայրս, ՚ի Տփլիս, ՚ի Մոսկուա, ՚ի Կալկադա, ՚ի Բարիզ և ՚ի Վէնետիկ. ընդ որս և երկրքին մենաստանք Միխիթարեանց ՚ի Վէնետիկ և ՚ի Վիեննա ստատրիքք են Հայ գարուծեանց՝ ոչ սակաւ օժանդակք են և Ս. Յակոբայ վանքն յԵրուսաղէմ, Հուշոյ և Սիւնեայ առաջնորդարանքն ՚ի Հայս: Վարժարանացն գործակիցք են յայժմուս ՚ի բարդաւաճանս ուսմանց՝ օրագիրք ազգայինք, տպագրարանք, թարգմանութիւնք գրոց և ուսումն օտար լեզուաց. որովք մարթ է ակն ունել առաւել ևս օգտի և բարդաւաճանաց՝ խոհական և զգոյշ հետեղութեամբ օտարաց, և քաջալեր և խաղաղասէր խրախուսանօք եկեղեցական և աշխարհիկ աւագ որերոյ ազգիս:

34. ՔԱՂԱՔԱԿԱՆ ՎԱՐՉՈՒԹԻՒՆ ԵՒ ԲԱԺԻՒՆՔ. — Սկիզբն քաղաքական կենաց և վարչութեան Հայոց՝ ժամանակակից է հնագունիցն ազանց, իբր 2500 ամօք նախ քան զգալուստ Փրկչին հաստատեալ ՚ի Հայկայ, և տեւեալ նահապետական և թագաւորական իշխանութեամբք սուղ ինչ պահաս 3000 ամս, երկրօտմբ հարստութեամբքն, Հայկազանց և Պարթեւաց կամ Արշակունեաց, առ որովք ՚ի 15 փոքր աշխարհս և պետութիւնս բաժանէին Մեծ Հայք, և ՚ի 190 դաւառս (33), իսկ ՚ի վիճակս յուղս մանունս. որոց տեարք և վարիչք ընդ ձեռամբ նահանգապետացն կամ նախարարաց կային, և նոքս մերթ հնազանդեալք և մերթ սակաւ ինչ հարկելով թագաւորին Այրարատայ կամ նահապետին Հայոց. և նա երբեմն աղատ և ինքնիշխան միապետ, և երբեմն ՚ի հարկի կալով հզօր և տիեղերակալ թագաւորացն Ասիոյ՝ Ատրեստանեայց, Մարաց և Պարսից, դամ մի և Յունաց: Յետ բառնալոյ հարստութեան Արշակունեաց (յամին 428), բարձաւ իսպառ միահեծան տէրութիւն Հայոց, և եկամուտ ազգք՝ Պարսք, Յոյնք, Արաբացիք, Թուրքք և Թաթարք կալան զմեծ մասն աշխարհին և ըստ իւրեանց օրինաց վարէին. բայց մինչև ցժԱ և ժԲ դարս տակաւին տիրէին և իշխանք Հայոց՝ գաւառաց գաւառաց. մանաւանդ ՚ի ժ և ՚ի ժԱ դարս, յորս Բագրատունիք, Արծրունիք և Սիւնիք զմեծ կէս աշխարհիս վարէին հայրենի օրինօք. յետ այնորիկ ՚ի Սիւնիս և ՚ի Խաչէն (որ է Արցախ) միայն մնացին պայազատք Հայկազանց՝ որք և մինչև ՚ի մերս դար որդի ՚ի հօրէ ժառանգութեամբ

հրամայէին փոքունց վիճակաց և գիւղից, Դեիք կոչելով պատուոյ անուամբ, յորոց դասնին ցարդ սակաւք ոմանք: Յետ արշաւանաց Սէլջուկեանց և Թաթարաց ՚ի ժԱ-ժԳ դարս, գրեալթէ իսպառ ընդ լծով օտարաց եկաց և կայ աշխարհս. մասն մի Պարսից ՚ի վաղուց հետէ, և մասն մի Օսմանեանց Թուրքաց՝ որք յաջորդեցին Սէլջուկեանց և Թաթարաց, և միւս մասն այժմ Ռուսաց, որք նախ զհիւսիսաւոր զմեծ աշխարհիս կալան ժառանգելով զթագաւորութիւնն Վրաց, և ապա յայսմ դարու հատին ՚ի Պարսից զԱրցախ և զՈւտի, զՍիւնիս, զՓայտակարան և զմասն Այրարատայ. և յՕսմանեանց զայլ մասն Այրարատայ և զՏայոց, որով Պարսից մասն այժմ Պարսկահայք և մասն Վասպուրականի և Արարատականն Հայոց. իսկ Օսմանեանք ունին զարևմտեան և զմեծ մասն աշխարհին, զմասն Տայոց, զԲարձր և զԻՀայս, զԱղձնիս, զՏարձն, զԿորդուս, զՄոկուս զմասն Այրարատայ և զմեծ մասն Վասպուրականի: — Եւ այսպէս զատանին սահմանք երեցուն ինքեակալ պետութեանցն ՚ի Հայս. ՚ի հիւսիսոյ արևմտից յԵդեսրաց մինչև ցԱրբա-կէօլ (18)՝ ընդ մէջ Տայոց և Այրարատայ բաժանի Հայաստան ընդ Ռուսս և ընդ Օսմանեանս. Արիաւայ ձեւ զսահմանն ցխառնուրդ իւր յԵրասիս, թողլով զաջակողմն կամ զարևմտեանն յՕսմանեանս, զարևելս ՚ի Ռուսք. ՚ի խառնրոգոց Երասիայ իջանէ սահմանն ընդ հարաւ և դառնայ յարևելս առ Սինէկտաղ լերամբ (8) և առ Մասեօք. որ անջրպէտք արձանանս երեցուն պետութեանցն. ըստ ելից հիւսիսոյ Այրարատայ Երասիս գետ իլեալ ձեւ զամենայն սահմանն Ռուսաց և Պարսից մինչև ցխառնուրդ իւր ՚ի Կուր, զհարաւակողմն թողլով սոցա յետնոցս. իսկ ըստ հարաւոյ Այրարատայ իջանէ դիժ անջրպէտութեան բաժնիք Օսմանեանց և Պարսից, ընդ մէջ Պայեղիտայ և Մակուայ, և ընդ մէջ երկուց ծովուցն Վանայ և Որմիոյ, ցԻկլանտղ գաւառ Քրրգաց և ցՉակրոս լերինս, ուր սպառնին Հայք. ամենայն արևմտակողմն՝ Օսմանեանց գոյով վիճակ, և արևելքն Պարսից: Այսոքիկ այսպէս սահմանեցան և հաստատեցան յամն 1828 և 1829 յետ պատերազմաց Ռուսաց ընդ Օսմանեանս և ընդ Պարսս, և գաշնագրութեանցն յԱդրիանուպօլիս և ՚ի Թիւրքմէնչայ (110). և թէպէտ յայժմեան ժամանակիս ՚ի վերստին գրգռել մարտի ընդ Ռուսս և Օսմանեանս՝ միեցան յիրերաց սահմանս, այլ զի չէ էրացն հաստատութիւն առեալ, մեք ըստ առաջնոցն եղերոց բաժանմանց՝ յերիս զատուցանեմք զՀայաստան, յՕսմանեան կամ Թուրքահայք, ՚ի Պարսկաստան՝ կամ Պարսկահայք, և ՚ի Ռուսական կամ Ռուսահայք:

Այլ մինչև մեալ ՚ի նկարագիր նոցուն՝ կարգեսցօք զնախնեացն բաժանմունս գաւառաց, պտոշաճեցուցանելով նոցին զայժմեան վիճակն, որքան և կարեմք: